



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. D. Ioannis Ivsti Lanspergii, Natione Bavari, Illvminati  
Ac Religiosissimi viri, Carthusiae Coloniensis ante annos  
centum Vicarii, & Magistri Nouitiorum laudatissimi Opera**

In Qvinque Tomos Distributa, à mendis expurgata, veteri integritati  
restituta, & indicibus locupletata

De Tempore

**Landsberg, Johannes Justus**

**Coloniae Agrippinae, 1631**

Paraphrasis Epistolæ B. Pauli ad Ephes. VI.

[urn:nbn:de:hbz:466:1-47044](https://nbn-resolving.org/urn:nbn:de:hbz:466:1-47044)

T. VI  
21

Passionem Christi deuote recollere, praedestinationis esse indicium.

Mariam venerari quam sit bonum signum.

signum praedestinationis est, ad passionem & mortem Christi, & ad beatam Virginem Mariam deuotio: pura vt libenter passionem Christi recollas, vel saltem cum gemitu eius sis memor, Suauis quoque & desideratum sit tibi de hac cogitare, audire & loqui. Suauis sit tibi eandem venerari, meditari, & honorem ei orando, & gratias agendo exhibere. Beatissimam quoque virginem Mariam quotidie salutare, diligere, & venerari euident futuram gratiam, misericordiamque apud Christum inueniendam est indicium. Non enim sicut non remuneratum Deus, quicquid vel suae passioni, vel eius in honore oblatum fuerit matri. Imo & misericordissima Dei mater sciens propter peccatores ad hanc gloriam & dignitatis praeminentiam se venisse, non potest non precibus suis nunquam repellendis apud filium suum mortalibus, maxime autem sibi deuotis succurrere, & misericordiam obtinere. Videte nunc filij absque dissimulatione, quae in vobis ex signis huiusmodi insunt, & pro his, quae vobis non insunt, pariter Domino supplicetis misericordissimo nostro Iesu Christo, qui est benedictus in secula, Amen.

DOMINICA XXI. POST DOMINICAM S. Trinitatis, Epistola B. Pauli Apostoli ad Ephesios VI.



*Confortamini in Domino & in potentia virtutis eius. Induite armaturam Dei, vt possitis stare aduersus insidias diaboli: quoniam non est nobis colluctatio aduersus carnem & sanguinem, sed aduersus principes & potestates, aduersus mundi retores tenebrarum harum, contra spiritualia nequitiae in caelestibus. Propterea accipite armaturam Dei, vt possitis resistere in die malo, & in omnibus perficite stare. State ergo succincti lumbos vestros in veritate, & indui lorica m iustitiae, & caleati pedes in preparationem Euangelij pacis. In omnibus sumentes scutum fidei, in quo possitis omnia tela nequissimi ignea extinguere. Et galeam salutis assumite, & gladium spiritus, quod est verbum Dei.*

PARAPHRASIS IN EANDEM EPISTOLAM.

**P**ostquam Ephesios multa instructione Paulus docuerat, tandem opus erat illos quoque erudire, quomodo contra aduersarium excitareretur, & se pararent ad pugnam. Et qui inter illos suis viribus bonum se posse operari putauerant, nunc & voluntatem bonam & conatum, & vires à Deo intelligerent postulanda. Dicit igitur: Confortamini, hoc est, efficiamini fortes contra aduersarij insultus, impugnationesque omnes: idque non in viribus vestris, sed in Domino, hoc est, eo fidei respectu, quo ad Dominum confugiatis, eredentes eundem esse Dominum vestrum Omnipotentem, qui adesse & protegere vos velit. In hoc Domino confortamini, & in potentia virtutis eius, quae ab illo procedit, cuique nemo potest resistere. Induite vos armaturam Dei. Induamini armis omnibus, quibus militatur Deo. Roborate animarum vestrarum vires virtutibus, quae contra diabolum arma sunt praecipua, vt possitis stare, hoc est, resistere perseveranter, ac praeualere aduersus insidias, fraudes, dolos, tentamentaque diaboli, quod haudquaquam pote-

Iob 9. 4.  
Psalm. 75.  
Sapient. 11.  
Nicro. 49.

potestis, nisi Dei auxilio, & liberi arbitrii exercitio suffulti. Sola enim gratia, aut solo arbitrio nemo diabolo resistit. Neque enim nobis sola haec est colluctatio, nec ea praecipua est, quae est aduersus carnem & sanguinem, aduersus homines carnales, fragilesque, nec solum contra vitia carnis nobis pugnandum est, sed potius aduersus principes & potestates tenebrarum harum, contra angelos apostatas de ordinibus & sedibus principatum ac potestatum excidentis: aut contra reprobos illos spiritus, qui tanquam nequiores minoribus alijs principantur & praesunt: aduersus mundi rectores tenebrarum harum, id est, qui sunt principes mundi huius, mundanorum scilicet hominum, iuxta intellectum quem Dominus significare volebat dicens: iam princeps huius mundi eijcietur foras. Diabolus itaque rector est <sup>ioan. 12.</sup> ac princeps seruatorum suorum, impiorum hominum scilicet, quos captiuos in peccatis & in tenebris vitiorum detinet, quotquot illius obediunt volunt. <sup>Tenebrae mundi huius qui sunt.</sup> Hi enim tenebrae sunt mundi, sicut quibusdam dicit Apostolus: <sup>Ephes. 5.</sup> *Fuistis aliquando tenebrae, nunc autem lux in Domino.* Quando eratis (inquit) impij sub iugo & dominio diaboli, fuistis tenebrae: nunc vero diaboli iugo contrito, postquam Deo estis filij, per adoptionem facti, estis lux & filij lucis in Domino. Contra rectores itaque mundi tenebrarum harum, nobis decertandum est, & contra spiritalia nequitiarum in caelestibus, contra daemones agmina nequitiarum plena in aere illo caliginoso. Vult itaque Apostolus dicere: Tametsi nos homines persequantur, si occidant, rapiantque nobis bona & famam, non tamen nobis contra homines esse pugnandum, sed vigilandum potissime contra principes horum malorum, contra malignos spiritus, qui intus nos persequuntur, & capere moluntur. Propterea quosdam infirmos infligant, fallunt, seducuntque ad mala. Hi sunt, qui nos impugnant per seipsum & per homines, ut ad iram, inuidiam, odium, desperationem, aliaque id genus peccata quaecunque nos praecipitent. Contra aduersarios igitur interiores multo diligentiori studio est vigilandum, satagendumque, ut illos quam ut exteriores vincamus persecutores. Hi enim non repugnando, nec mala retaliando vincuntur, sed cedendo, sustinendo, se humiliando, diligendo, atque benefaciendo placantur. Eisdem autem armis, hoc est, eisdem virtutibus vincitur diabolus, placatur etiam homo. Est autem nihilo minus aduertendum, neque hominem, neque diabolum posse aliquid aduersum nos, nisi Deo id permittente, ut manifestum apparuit in Iob, quem diabolus non potuit laedere, neque in rebus, neque in corpore, nisi data sibi facultate a Deo. Quapropter ad impatientiam nemo sub onere aut molestia, nemo tentationum importunitate ad desperationem, nemo denique ad iram aut vindictae appetitum permoueatur, sed resignatum Deo debet homo habere animum, cuius amore & quamimmo ferat, quod alioqui grauate esset laurus, aduersarioque cuius mente responderet: <sup>ioan. 19.</sup> *Non haberes aduersus me potestatem ullam, nisi datum tibi esset de super.*

Haec fides, haec resignatio animi, qua de manu Domini tam mala, quam <sup>ides diaboli, mundi, que vincuntur, quae.</sup> bona recipiantur, est victoria, qua vincit mundum & diabolum. Sequitur: <sup>ioan. 1.</sup> Propterea accipite armaturam Dei, qua solet Deus suos armari seruos. Nec hostibus cedatis, aut fugiatis, sed munite vos armis, quibus possitis hostibus resistere in die malo, & in hora tentationis, qua vos malum impugnat.

RRRR 4 aut in

T. VI  
21

aut in die malo, quo viget malicia vos impugnans, & vt possitis in omnibus perfecti stare, tam inter prospera, quam inter aduersa, ne vos prospera extollant, nec deiiciant vos molesta. State igitur succincti lumbos vestros cingulo castitatis. In his enim viget viris luxuria. Propterea Dominus dicit: *Sint lumbi vestri praecincti.* State succincti lumbos vestros in veritate. Estote casti, non tantum in oculis hominum, sed in oculis etiam Dei, & indui lorica iustitiae bonarum actionum, & calceati, hoc est, calceis indui pedes. Per pedes significantur affectus, quos munire decet, ne terrena tangant, aut terra inquinentur. Vt sitis, inquit, praeparati, expediti, ac idonei, ad annu- ciandam gratiam Evangelicæ pacis. In omnibus sumentes scutum fidei, hoc est, pro scuto sic vobis fides catholica, in quo possitis scuto tela nequissimi ignea extinguere, hoc est, quo possitis vehementes tentationes ac impetu- osas diaboli vincere aut reddere inanes. Et galeam salutis assumite (quæ est spes æternorum bonorum) qua omnia contemptis terrena: & gla- dium spiritus seu spiritualem gladium assumite, qui sermo est diuinæ præ- dicationis, diuidens carnem à spiritu, rescans à virtute vitium, ac noxia cuncta, puta impietates & hæreses rescindens.

EXEGESIS EVANGELII EIUSDEM DOMINI  
ce. XX I. post Dominicam S. Trinitatis, Iohannis IIII.

Iob 14

Mebr. 9.

1. Corin. 12

Regulus ille  
quis fuit.

**M**ulti vestrum charissimi, arbitror, scriptum legerunt in Iob: *Homo natus de muliere, breui viuens tempore, repletur multo miseris. Qui quasi flor egreditur & coneritur, & fugit velut umbra, & nunquam in eodem statu permanet.* Siquidem homo dum crescit, deficit: quantoque eius extenditur vita, tanto eadem ipsa crescens minuitur. Prorogatio namque & cursus vita, quid aliud est, quam eiusdem decurtatio? *Statutum est enim omnibus hominibus semel mori.* Vnde quanto viuatur diutius, tanto ipsa vita breuior efficitur, tantoque ad mortem acceleratur. Verum antequam ad mortem veniamus, vita nostra multis aspergitur amaritudinibus, multisque atteritur molestiis, per quas ad se modo nos trahit Deus, aut iam tractos apud se, ne recedamus, custodit. Quam obrem decet nos paternum suum erga nos amorem intelligere, & corporum infirmitates, quæ sunt animæ sanitas, non abijcere, sed patienter amplecti. Meminisse enim nos Apostolicæ sententiæ oportet, quæ dicit: *Libenter gloriabor in infirmitatibus meis, vt inhabitet in me virtus Christi.* Cum enim infirmior, tunc potens sum. Itaque in huius Dominicæ Evangelio regulus quidam & pater afflictus introducitur pro filio orans: qui tandem quoque est exauditus, & filius eius sanatus. Sanatio autem vnus infirmi multos ægros sanauit in anima: imo patrem quoque illius sanauit ab imperfectione fidei. Dicit itaque B. Iohannes Euangelista.

Erat quidam regulus, cuius filius infirmabatur Capharnaum.

Quis iste fuerit regulus, varia est multorum opinio. In hoc tamen consentiunt (puro) omnes, hominem non regis fuisse dignitatis, sed in potestate constitutum, vnum ex terræ optimatibus & rectoribus, qui vel à Romanis, vel ab Herode constitutus, partem gubernauerit regni. Hic nuptijs inter-